



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

De Baptismo Et Confirmatione - Dvobus Libris Explicata

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XI. Declaratur quæ requiratur in Baptismo paruolorum, & refelluntur errores aduersariorum.

[urn:nbn:de:hbz:466:1-53934](https://nbn-resolving.de/urn:nbn:de:hbz:466:1-53934)

CAPVT XI.

Declaratur quæ fides requiratur in Baptismo parvorum, & refelluntur errores aduersariorum.

PRIMA propositio: *Infantes non habent fidem.* Hac est contra primā Lutheri sententiam. Probatur PRIMO, quia Scriptura Deut. 1. & 10. nœ vltimo affirmat, infantes non cognoscent distantiam boni, & mali; nec vñquam excipit tempus Baptismi. Quare sine Scripturæ testimonio id Lutherus affirmat.

SE C V N D O, Patres hanc sententiam reiiciunt, ut Nazianzenus, qui oratione in sancta lumina, dicit, infantes sine sensu sanctificationis sanctificari, & Augustinus, qui epistola 17. ad Dardanum ridet hanc Lutheri sententiam, ut que in unam faciat humanis sensibus: & rursus epistola 23. tractat deo in Ioannem, libro quarto de Baptismo, capite 24. & libro primo de peccatorum meritis & remissione cap. 10. dicit, parvulos non habere fidem, quæ est in cogitatione, item non habere sensum fidei: denique non habere quod Paulus dicit: **C**orde creditur ad iustitiam. Ex quibus intelligimus Kemnitium pagina 258. omnino temerè, & mendaciter scriptisse, eandem esse in hac re Augustini, & Lutheri sententiā. Nam super ostendimus, à Luthero fidem ipsam actualē tribui parvulus cuius contrarium tot in locis dicit Augustinus. Quid, quod Lutherus in libro contra Cochlaeum fatetur, contra se in hac quæstione habere Augustinum? & tamen impudens Kemnitius, inuitum Lutherum, cum inuito Augustino concordare suo mendacio voluit.

TERTIO, est ratio. Nam fides non potest oriiri in mente nisi ex divina reuelatione: quæ quidem aut immediatè sit a solo Deo, aut per organum verbi Dei prædicati, aut lecti. PRIMO modo non dicit Lutherus dari infantibus fidem, sed secundo, cùm ait eos credere per vim verbi, quo exorcizantur, adiuuantibus Ecclesiæ precibus. Et præterea primus ille modus non est ordinarius, sed extraordinarius, & rarissimus, ac solis fortè Prophetis, & Apostolis concessus. **F**ides enim exaudita, inquit Paulus Rom. 10. loquens de ordinario modo, que

quo gignitur fides. At si omnibus infantibus fides immedia-
te reuelatur, iam esset modus ordinarius, & possent omnes
infantes, dum baptizantur, dici Prophetæ. Quod autem SE-
CUNDO modo non oriatur in infantibus fides, patet manife-
sto experimento. Si enim verbum exorcisini gigneret fidem,
certè audiretur, & intelligeretur ab infantibus: proinde at-
tentè auscultarent infantes; cuius contrarium videmus. De-
inde exorcismus non refertur ad fidem docendam, sed ad Dæ-
mones coercendos. Denique hoc est ponere nouum miracu-
lum in auribus, & mente infantium. Neque valet, quod Lu-
therus adserit de orationibus, & fide offerentiū. Nam aliquan-
do contingit, ut offerentes, & parentes, & ipsi baptizantes sint
infideles, & tamen verè, & utiliter detur infantibus Baptis-
mus, ut Augustinus docet, epistola 23. Neque ea vis est oratio-
num, & fidei offerentium, ut infallibiliter miracula impetrant.
Et denique si Deus miraculum facit in mente infantuli, ut cor
de credat ad iustitiam, cur non facit etiam in lingua, ut ore
confiteatur ad salutem? Fortè hoc est impossibile Deo; aut o-
rationibus, & fidei impetrari nequit? At facilimum esse, testa-
tur asinam Balaam, quæ Deo volente loquuta est sapienter,
Numer. 22.

Q V A R T O , probatur ratione Augustini in epistola 57. quia
cùm constet infantes, & vocis eiulatu, & motibus corporis
recluctari, & obstrepare Baptismo, si verè intelligerent (quod
necessè est, si credere debent) quid agatur, rei fierent ingentis
sacrilegij, nec abluerentur, sed magis sordidarentur.

S E C U N D A propositio: Non habent infantes, dum bapti-
zantur, ullos nouos motus, & inclinationes similes actibus sim-
dei, & dilectioni. Hæc est contra figmentum Conciliabuli
Wittembergensis Philippi, Kemnitij, & aliorum Luthera-
norum. Probarur PRIMO, quia repugnat verbo Dei. Isti enim
volunt hos ipsos motus infantium sine cognitione esse, & dici
fidem, licet impropriè, & eo modo infantes non iustificari si-
ne aliqua fide. At in tota Scriptura nusquam habetur nomen
fidei in ea significatione, ut designet motum quendam sine
sensu, & sine cognitione; sed potius in contraria, ut patet
Rom. 10. Fides ex auditu Heb. 11. Fide intelligimus aptata es-
se secula verbo Dei & sic de aliis locis.

S E C U N D O , repugnat rationi. Nam aut illi motus, & in-
clina-

clinationes sunt in corpore, aut in animo. Si in corpore, non possunt esse similes actibus fidei, & dilectionis, qui sunt in animo; nec enim corporalia dicuntur similia spiritualibus, nisi metaphorice, & per quandam analogiam. Et præterea non potest fieri, ut motus & inclinatio ad credendum Deo, & diligendum Deum, sint corporales, cum Deus sit obiectum spirituale, & altissimum, quod vix mente attingi aliquando potest. Si autem sint in animo, est implicatio contumelionis, quod sint absque cognitione. Quid enim est motus intellectus, nisi intelligere? non enim aliter moueri potest intellectus, nisi intelligendo; sicut nec oculus, nisi videndo, nec sensus audiendi, nisi audiendo. Et quomodo potest voluntas inclinari, nisi præcedente cognitione? cum obiectum voluntatis non sit aliud, nisi bonum cognitum.

T E R T I O, repugnat ipsi Lutherio. Nam Lutherus locis ante citatis, illam fidem ponit in paruulis, de qua saepe dixerat, quod sola iustificet. Certum autem est, fidem iustificantem non esse morum sine cognitione: alioqui etiam bestiae iustificari possent. Voluit etiam Lutherus fidem in paruulis gigni ex auditu verborum exorcismi; proinde non sine cognitione posuit fidem. Præterea Lutherus volebat, fidem in paruulis esse ante Baptismum, ut posset vere responderi ministro baptizatuero, paruulum credere: at auctores huius sententiae dicunt, per Baptismum dari paruulis istos motus. Sic enim loquitur Philippus loco citato: *Spiritus sanctus per Baptismum induatur, qui efficit in eis novos motus, & inclinationes, &c.* Et similiter Kemnitius pag. 259. dicit, effundi Spiritum regenerationis in infantes, dum baptizantur, & operari in illis sanctos motus, &c. Quare falsò affirmat pagina superiore idem Kemnitius, Lutherum idem sensisse, quod ipse sentit.

Q V A R T O, repugnat doctrinae, & principiis communibus omnium Lutheranorum. Nihil enim est apud eos certius, & communius, quam sola fide iustificari hominem; & Sacra menta nihil esse aliud, nisi instrumenta excitant de vel nutriendæ fidei. At certè si motus illi infantium sine vera fide illis sufficiunt ad iustificationem, & ad Baptismum utiliter suscipiendum; falsum est sola fide hominem iustificari. Neque dicere possunt, hos ipsos motus esse fidem. Nam quando loquuntur de fide in materia iustificationis, semper intelligunt per fidem.

dem apprehensionem diuinæ misericordiæ, quæ sine cognitione esse non potest. Præterea cùm isti motus immediate excitentur à Deo, ut ipsi volunt, & non per Sacra menta, quæ more concionis prouocent fidem per exteros sensus; certè ruit illud principium, Sacra menta non iustificare, nisi fidem excitando more concionis. Itaque si quis rectè iudicet, positis principiis de sola fide iustificante, minus absurdum est Lutheri sententia, quæ fidem paruulis tribuit, quām Conciliabuli Wittembergensis, quod mortum sine cognitione iisdem concedit. Lutherus enim nouum miraculum falso excogitauit, sed eo posito, omnia illi constant: isti autem & miraculum fingunt, & eō posito destruunt sua ipsorum principia, & cum aperta ratione pugnant.

T E R T I A Propositio: *Infantes non iustificantur sine villa fide.* Hæc est contra Sacramentarios: & probatur. **P R I M O**, quia Scriptura affirmat fidem esse medium ad salutem necessarium Ioan. 3. *Qui non credit, iam iudicatus est.* Ex quo loco Augustinus probat, infantes baptizatos habere aliquam fidem, lib. I. de peccat. merit. & remiss. cap. 33. Nam eo loco Dominus non loquitur de præcepto credendi, quo sine dubio non tenentur paruuli, sed de medio ad salutem. Nam antea dixerat: *Sicut Moyses exaltauit serpentem in deserto; ita exaltari oportet filium hominū, ut omnis qui credit in eum, non pereat, sed habeat vitam eternam.* Et subiunxit: *Qui credit in eum, non iudicatur; qui autem non credit, iam iudicatus est.* Sicut igitur aspicere æneum serpentem, non tam fuit præceptum, quām remedium unicum salutis: ita & fides in hoc loco Euangeliū asseritur necessaria, ut remedium, non ut præceptum.

S E C U N D O, probatur ex illo Hebr. II. *Sine fide impossibile est placere Deo.* Item Rom. 3. *Arbitramur hominem iustificari per fidem:* quod passim repetit, & inculcat Paulus. Quomodo igitur sine villa fide iustificari & placere Deo possunt infantes? **A T**, inquiunt Calvinus, & Martyr: Si Deus prædestinavit infantes, & promisit se fore Deum ipsorum, sine dubio dabit illis spiritum sanctum, eosque iustificabit modo aliquo sibinatio, licet non per fidem. **R E S P O N D E O**: Prædestinationem non impleri, nisi per ea media, quæ in Scripturis nobis sunt reuelata, Porro Apostolus Rom. 8. satis perspicue explicat media, cùm

cum ait: *Quis prædestinavit, hos & vocavit; quos vocavit, hos & iustificavit; quos iustificavit, hos & magnificavit* idem verò Apostolus in eadē epistola, cap. 3. 4. 5. 6. 7. 8. 9. & 10. nihil aliud contendit, nisi iustificationem nō contingere sine fide. Quare tribuere paruulis iustificationem sine fide, & anterocationem, id est, ante Baptismum, quo solo vocari possunt fantes, quid est aliud, nisi contra verbum Dei fingerentur iustificationem?

QUARTA propositio *Infantibus in Baptismo infunduntur habitus fidei, spes, et caritatis*. Hæc INPRIMIS certa est Catholicis ex auctoritate Conciliorum, & doctorum. Nam licet aliquando disputatum fuerit, an infantes recipiēnt cum gratia iustificante habitus harum virtutum, tamen semper sunt communior sententia, infundi paruulis per Baptismum hos habitus. Ita enim S. Thomas 3. part. quæst. 69. art. 6. item Scotus, Durandus, Gabriel, & ceteri verè omnes in 3. dist. 2. Quocirca Conciliū Vienense generale, ut habemus Clement. 1. de summa Trinitate, & fide Catholica, definit hanc sententiam esse probabilem, & magis conformem testimoniis tam veterū, quam recentium Theologorum. Neque hæc sententia sorduit Tridentino Concilio, ut audacter mentitur Kemnitius in 2. parte Examinis, pag. 261. Nam licet Concilium Tridentinum non fecerit mentionem Concilij Vienensis, tamen illam ipsam sententiam recepit, ac definit ut certam. Nam sess. 5. in decreto de peccato originis, definit infantes in Baptismo iustificari, ita ut si moriantur in eo statu, nihil sit, quod eos ab ingressu cœli remoretur. Deinde sess. 6. cap. 7. definit Concilium, in Baptismo infundicūt remissione peccatorum hæc omnia dona, fidem, spem, & charitatem, eaque menti inhærere.

SECUNDО, potest hæc eadem sententia colligi ex Scripturis, quibus supra probauimus, sine fide paruulos non saluari. Cùm enim constet, fidem propriè non significare, nisi actum, vel habitum, & simul constet in paruulis actum fidei esse non posse, certè sequitur, ut in eis sit habitus. Item ex Scripturis supra probauimus, infantes rectè baptizari, & per Baptismum iustificari, & saluari. Item constat ex Scripturis, iustificationem nullam esse sine fide. igitur constare etiam debet, infantes habere saltem habitualēm fidem.

TERTIO,

TERTIO, probatur ex Patribus, qui licet non meminerint expreſſe horum habituum, tamen aliis verbis idem dicunt. Primum enim omnes Græci, & multi Latini dicunt Baptisma esse illuminationem, & qui baptizantur, illuminari. Vnde etiam Augustinus tractat. 44. in Ioannem dicit, ex quo natus, cum a Christo fuit inunctus, factum esse quodammodo Catechumenum; cum fuit illuminatus, fuisse quodammodo baptizatum. Id autem Patres sine dubio dicunt propter fidem, quæ in Baptismo recipitur, quæ est lumen cordis, ut exponit S. Thomas 3. parte quæst. 69. artic. 5. Et idem colligitur ex illo Actor. 15. *Fide purificans corda eorum.* Et denique, quia sola fides ad intellectum pertinet ex virtutibus Theologicis, in quibus consistit iustificatio, quæ acquiritur in Baptismo. At non recipitur in Baptismo actus fidei. Actus enim præcedit in adultis, ut dispositio; in infantibus nullus est fidei actus, igitur Baptismus illuminat ratione habitus, qui in eo infunditur. Adeo quod Augustinus lib. 1. de peccatorum meritis, & remissione, cap. 26. in fine, affirmat infantulos per Baptismum non solum purgari, sed etiam illuminari, quod, ut dictum est, non nisi per fidem fieri potest.

QUARTO, probatur ratione. Nam parvuli baptizari videntur dicuntur, & sunt fideles, ut Augustinus docet, lib. 1. de peccatorum meritis, & remissione, cap. 33. & Concilium Tridentinum, fels. 7. can. 13. de Baptismo. At fideles non dicimus ab actu sed ab habitu fidei: alioqui cum dormimus, aut etiam cum vigilamus, sed de fide non cogitamus, non esse fideles. Unde Augustinus loco citato, cum dixisset parvulos esse fideles, addit; *Hoc enim ex acquiritur per virtutem Sacramenti, & offerentium responsionem.* Vbi apertissime significat parvulos dici fideles, tum ab habitu, qui infunditur virtute Sacramenti, tum ab actu fidei alienæ.

ITEM, Deus in nobis habitat per fidem & charitatem, Ephes. 3. Christum habitare per fidem in cordibus vestris. 1. Ioan. 4. Qui manet in charitate, in Deo manet, & Deus in eo. At in parvulis baptizatis Deus habitat, ut Augustinus docet in epistola 57. ad Dardanum: igitur habent etiam parvuli baptizati illa dona saltem quoad habitum.

DENIQUE, Deus infundit parvulis suis occultam gratiam, cum baptizantur, ut Augustinus docet lib. 1. cap. 9. de peccato-

tum

rum meritis, & remissione. Sed gratia iustificationis infusa in cordibus, consensu omnium Theologorum, aut est charitas cum fide, & spe; aut certè est quædam alia qualitas, cum qua infallibiliter coniunctæ sunt tres illæ virtutes.

QVINTA propositio: Paruuli actu credunt, partim ipsi dum baptizantur, partim aliena fide. **P**RIOR pars est Augustini lib. I. de peccatorum meritis, & remissione, cap. vii dicit, infantibus ipsum baptizari esse credere, quia nimirum ipsa actio est fidei professio. Similia habet epistola 23. Quenammodum etiam de sanctis Innocentibus Ecclesia loquuntur, cùm ait, eos non loquendo, sed moriendo confessos esse. Nihilque de hac re vlla potest esse controversia. **P**OSTERIOR pars est contra temeritatem Illyrici, Kemnitij, & aliorum, quæcavorem Papisticum esse volunt, baptizari paruulos in fidem Ecclesiarum. Sufficit autem ad hanc assertionem probandam, consensus Patrum. Ita enim docet Iustinus quaest. 56. Dionysius de Ecclesiastica hierarchia, cap. vlt. Ambrosius, vel quiscumque est auctor, in cap. II. ad Hebr. Augustinus lib. 3. de libero arbitrio. cap. 23. vbi dicit, hanc esse totius Ecclesiarum sententiam. Item epistola 23. 57. & 103. lib. 4. de Baptismo, cap. 24. & 25. serm. 10. & 14. de verbis Apostoli. Prosper de vocatione Gentium lib. 2. cap. 8. & Bernardus serm. 66. in Cantica. & denique Concilium Tridentinum, sess. 7. can. 13.

Est autem hoc loco OBSERVANDVM, duplicum fidem requiri in Baptismo. Actualem Vnam, quæ præcedit Baptismum, ut dispositio quædam; & ea est, quæ exigitur a baptizandis, cùm iubentur recitate Symbolum, & interrogantur an credant. Quæ quidem, ut plurimum, iudicio grauiorum doctorum, non est ex habitu fidei, sed ex auxilio speciali Del. V. de Catechumeni cum ista fide adhuc non dicuntur fideles a Patribus. **A**LTERA est, quæ sequitur Baptismum, quæ est pars essentialis iustificationis, & non est actus, sed habitus. Et hanc intelligunt baptizandi, cùm interrogati, quid perant, respondent: Fidem vitam æternam praestantem; ut habemus in Concilio Tridentino, sess. 6. cap. 7. & in libris, qui tractant de ritu Baptismi. Nam igitur, cùm Patres dicunt, paruulos baptizari in fide parentum, aut Ecclesiarum, non loquuntur de fide posteriori, sed de priore. Et cùm dicimus paruulos baptizari in fide parentum, non est sensus, paruulos iustificari formaliter,

aut esse fideles aliena fide; vt perperam colligunt Kemnitius,
& Illyricus locis citatis, vbi etiam perperam citant illud Ha-
bachuc. 2. *Iustus ex fide sua viuit.* Non enim ullus Catholi-
corum docuit vñquam paruulos viuere fide aliena, sed sua ha-
bituali. Neque etiam est sensus, vt exponit Lutherus, paruulis
impertrari fidem qua iustificantur, à fide & precibus offeren-
tium, & Ecclesiæ. Fidem enim iustificantem habent paruuli
infusam ex opere operato Sacramenti, non ex opere operan-
tis ministri, aut Ecclesiæ. Sed sensus est, fidem actualem, que
requiritur vt dispositio ad Sacramentum, non haberí à paruu-
lis propriam, sed alienam,

D I C E S; Quid prodest paruulo fides aliena? **R E S P O N D E O;**
Multum omnino prodest. **P R I M U M** enim eos ad Baptismum
adducit Vt enim adulti, nisi credant, ad Baptismum non ve-
nunt; sic etiam nisi parentes, aut aliqui alij, qui infantium
curam gerunt, credant, non eos ad Baptismum deferent. Ita-
que sicut propria fides vnicuique prodest, quia est causa pro-
prii Baptismi; ita fides aliena prodest infanti, quia est causa,
vt infans baptizetur. Et contraria infidelitas patris multum ob-
est infanti, quia est causa, ne ille baptizetur. Atque hanc utili-
tatem persequitur Prosper loco citato. **A L T E R A** utilitas est,
quod hoc modo Deum honorant, & colunt, dum fidem profi-
tentur, & Satanæ abrenunciant, & implent, quæ ad ritum Ba-
ptismi pertinent, saltem per os alienum. Habet enim Deus
ratum hoc obsequium per alios præstitum, cùm ipsi perse-
non possunt. Et hoc est, quod saepe inculcat Augustinus locis
citatibus.

Ex quibus omnibus colligitur, fidem alienam non esse ita
necessariam, vt non sit Baptismus verus, aut fructuosus, si ea
desit, quandoquidem non est de essentia iustificationis, vel Ba-
ptismi; tamen esse necessariam ad solennitatem ritus, ac cære-
moniæ, & saepe, vt diximus, ad ipsum Baptismum paruulis tra-
dendum; quia si nemo haberet fidem, nemo curaret paruulos
baptizari. Superest argumenta ipsorum soluere, quæ pauca
sunt, & leuia.

Argumentum **P R I M U M** Lutheri est contra primam pro-
positionem: *Si infantes non crederent, illudetur Sacra-
mentis sacrilego mendacio, dum responderetur pro infante,*
Credo. **R E S P O N D E O;** Nullum estibi mendacium. Non
enim

80 Cap. XI. De Sacramento Baptismi. Lib. I.

enim qui respondet, *Credo*, significat infantem credere proprio actu, sed alieno. Ut enim Augustinus loquitur serm. 10 de verbis Apostoli: *Accommodat mater Ecclesia infantibus aliorum pedes, ut veniant; aliorum cor, ut credant; aliorum linguam, ut confiteantur.* Idque non iniuria, cum peccato alieno prægraudentur, id est, ab alio contracto, licet siue & propriè inhérente.

2. SECUNDVM argumentum: Matth. 18. Qui scandalizaverit vnum de pusilli istu, qui in me credunt. Igitur pueri credunt. RESPONDEO, Pusilli, de quibus loquitur Euangelium, non infantes, sed pueri grandiores erant. Nam vocavit eos Dominus ad se; & scandalizari posse dixit; at venient suis pedibus, & scandali capacem esse, infantibus non conuenit.

3. TERTIVM argumentum contra secundam propositionem: Ioannes Baptista exultauit in utero, Luc. 2. Non ignoratur mirum, si habeant infantes nouos motus. Respondeo primo, exemplum vnum non facere regulam generalem, ut Augustinus de hac ipsa re loquens testatur epist. 57. At quia Kennadius dicit, hoc exemplo non se probare velle, id ita in omnibus infantibus, sed tantum esse posse. Respondeo secundo, Ioannem Baptistam non habuisse motum sine cognitione, ut isti singunt. Nam vt Ambrosius, & Beda in commentario eius loci, testantur, Ioannes cognovit Domini presentiam & inde exultauit. Ipsum quoque Euangelium, dicit, exulta esse illum in gaudio, satis aperiè docet, illum non cuiuslibet cognitione.

4. QVARTVM argumentum, contra eandem propositionem: Infantes saluari possunt, dicente Domino, Marc. 10. Nisi quis acceperit regnum cœlorum, sicut parvulus, non intrabit in illud. Igitur oportet infantes recipere Spiritum sanctum, & proinde aliquam eius operationem. At non possunt recipere fidem cum cognitione; ergo nouum motum sine cognitione. RESPONDEO, ultima consequentia nihil valet; possunt enim recipere, & res ipsa recipiunt infantes habitum fidei, qui neque est fides cum cognitione, neque motus sine cognitione.

CAPVT